

HERNANI-KO EUSKAL FESTAK

Euskal-itz jostaldien egintza.

EUSKAL-ITZ jostaldien Batzarrea dator gaur Hernani-ra, kontu ematera leku ontan arkitzen diran entzule guztiai, zer nolakoa dan, aurtan, izkribatzalle, musikolari, eta pintatzalleen indar-neurtzeetan batzar epalle bereziak erabaki duten sari emaldia.

Arreta aundiz ikusi ondorean aurkestu diran moldaera guziak, irabazi dituzte sariak, izkribatzalleen artean :

Gregorio Mujica eta Ramon Inzagaray jaunak, *Irurak bat* eta *Artzaya, bego mendiyan*, izendatutako lan egokiagatik.

Irabazi du aldeera Jose Elizondo jaunak, *Ametz gozuak* izendatutako jostirudi alaiagatik ; eta beste aldeera eta Batzarrearen zorion bat, Ramon Guelbenzu jaunari, *Zer pena*, izentzat duten itz-neurtu samur eta estitsuagatik.

Irabazi dituzte aipamen onragarriak : Martin Aramburu, Jose Elizondo eta Jose Olaizola, Juan Inazio Úranga eta Jose Inazio Garmendia jaunak eta Rosario Artola neskacha gaztiak; *Gallorum Regem Franciscum etc.*, *Amaren atzegiñean*, *Zorigaiztoko estayak*, *Juan Urbietakoa-ri* eta *Ume zurtza* izenekoa gatik.

Indar neurtzez kanpora saritu da aipamen onragarri batekin Juan Inazio Uranga jauna, *Eralora edo uda berriya* izendatutako itz neurtuagatik.

Musikalarien artian irabazi dituzte sariak Bernardo Gabiola, Luis Urteaga eta Jose Maria Usandizaga jaunak, *Errondariyak dantzari*, *Gaur bezelako egun asko urte askotan* eta *Chorichua ¿nora ua?*, azalkaitzat dituzten moldaera gatik.

Aldeera irabazi du Claudio Jauregi-Portu jaunak, *Urbieta* izendatutakoa gatik.

Pintatzalleen artian izan da sarituba Inazio Ugarte jauna, *Amaitakoko*, azalkaitzat duben lan egokia gatik.

Antzeztalarien saria irabazi du Migel Agirre jaunak, bere antzeztajatorra gatik.

Hernani'n 1909^{ko} Agorrrillaren 18^{an}.

ALFREDO DE LAFFITTE ETA OBINETA,
Dianagusia.

TORIBIO ALZAGA.
Goarpelaria.

